


續纂江蘇水利全圖

地 712.2
159

部 = 1 ~ 22



續纂元本三行

光緒十亥五
卷二 月次形
正程局排受

續纂江蘇水利全案



同治甲子夏余以浙撫統兵克復江甯大難初平元氣未復雖時蘇松常鎮郡縣規復未久瘡痍滿目農田水利亟待講求迨光緒甲申奉命來督兩江則已越二十年民安廩居

曾序

一

百廢具舉農田水利皆詳明而切究之吳中故有水利總局其治水之法一九荒文正所謂候圉濬河置閘三者九鼎足閘一不可丙戌秋余閱視營伍周歷州郡由滬至蘇達常鎮見夫隄岸橋梁修築完備帆樯如織或順流而下泝流而

上皆無壅滯之患竊歎守土者與在
事者負用力之勤心焉許之己丑春觀
察使監利李君慶雲續纂江蘇水利
全案告成其書體例仿江夏芝楣陳公
所纂江南水利全書惟祇隸蘇之四府一
州且不敢自名為書故不曰江南而曰江

曾序

二

蘇不曰全書而曰全案紀實也夫言吳
中水利者莫詳於邾氏泮之數言言
一以治田為本而單氏鏐歸氏有光周
氏大韶張氏國維考論吳中水道或主
得水利或主去水害區區規畫至詳
且備至哉

朝道光中葉陳公纂江南水利全書經
舉目張條分縷晰尤足以資考證李
君鍾是書以今之檄移文牘編集排
次於興作之後先度支之多寡立事
程功之始疏導蓄洩之方整然畢具
瞭如指掌其作職官表者歷年既久

曾序

三

有司迭見更代規利去弊事有專責
茲政之源占承流之迹恐久而軼其姓
氏也其作工役財用表者畚揭從事按
日計功官民分治通力合作重

國家財賦之本即以見小民稼穡之艱也
其繪圖立說凡支流小瀆無不詳著於圖

者蓋以地有高低流有緩急渚有淺深
徑有曲直因勢利導各視其宜非相度不
得其情非諮詢莫窮其致按圖而索或
無異躬歷其地也閱二十年之久始獲編
列成書而三吳水道之形勢已得其大綱
後之來者得是書以決參考非明之信

曾序

四

而有徵耶余以輕才久膺疆寄競之乃以
培養民生為常務之急吳中水利既將
全案編錄邇年淮揚興辦隄工以局負
董其事歷有年所沿流討源區畫得失
他日六錄彙編輯彙為一書則全省水
利考鏡有資其亦為芝楣陳公所默

許也夫

光緒己丑年八月兩江總督一等威毅
伯湘鄉曾國荃謹撰

曾序

五

續纂江蘇水利全案序

周人重農農官莫詳於周禮大司徒掌天下土地之圖辨十二壤而知其種藝之事畿內稻人設專官其用作田之制亦較諸職特詳後世疏盈瀉溢諸法實

茲序

一

因之江蘇號澤國財賦甲東南賦出於田田資於水故農為政本而水利又為農田之本竊嘗謂東南溝洫之制千百年来不失古意所謂周禮猶在者此矣吳淞劉河乃三江舊蹟以外

太倉州境七浦河道及泖澱
等處無不承太湖而來小者
通商旅大者資灌溉故蘇省
偏災時有而未必徧境為患
者諸先哲辛苦經營為能興
水之利除水之害也丙戌秋余

奉

恩命來司疆土兢以水利
農田為急務訪求故牒得見
道光中陳芝楣中丞水利全
書數十年後中更兵燹冊
籍蕩然無續輯者因治十

年省垣設水利局藩臬兼領其事迄今二十載工作又數十計案牘塵積李景弼觀察在局日久於吳中水利尤諳練爰刪繁去複彙為一編而付之梓蓋因事成文皆予

後諸君躬親目擊較之空言水利者為信而有徵俾後之人講求成法推廣遺規期合乎因時制宜之旨則按圖可索是編為不可廢矣夫戶口日增土地祇有此數非率天

下農民竭力耕作而欲家室
豐盈也必不可得即農民決
渠障隄以與天時地力爭其
亦勞而寡獲由是逐末者衆
言利者日新月異鑿空炫奇
益為政病嗚呼居今日而談治

理舍重農無以藥之此余讀
水利書而不禁徬徨興歎也
夫
光緒十有四年歲在戊子冬
十二月撫吳使者山松駿謨

續纂江蘇水利全案敘

三吳澤國也唐宋以來都水有
監庸田有使明代歷選朝臣充治
水之使皆專官以重其事而以水
利成書者如單氏鏐邦氏宣父
子震川歸氏東陽張氏耿氏橋

黃序

一

其言源流利弊詳矣余讀史記河
渠書曰於吳則通渠三江五湖五
湖之水委輸三江而達於海此古北
治水之常法然東江久湮以劉家
河當壘江而下流已非其故處吳淞
為大流明初為閘一百五十餘丈今

江狹處乃止一衣帶水而貢浦昔
號為亂流今則太湖之水由澱泖
而東過華亭由垂虹橋而出龐山
湖九里湖者勢皆分趨於貢浦其
洶湧浩瀚委細衆流遂與三江相
代且奚獨此三泖則細流僅存百

瀆則十湮其五練湖則廢堰為田
吳江則水道別出白茆則海口
高仰欲就昔賢所舉論而確指
其故地幾不可復識矣天下之
事勢無常未有若水道變遷
之易者然則取今以則古攷事而

適宜備一時疏導蓄洩之方以俟之
後世志於民者所宜事也吳中
故有水利總局觀察使李君慶
雲久綜其事謂自肇役以來殆
二十載程功立事考鏡是資
不可闕於紀述乃彙凡起例仿江

黃序

三

夏陳公水利全書之體為續纂江
蘇水利全案五十二卷別為表二
卷又各為圖說并諸奏首既成
以示余細舉目張燦然畢具余謂
以文牘排比為書者其原蓋出史
志馬端臨經籍考春秋賑濟錄一

卷五富文忠青州救荒施行文牘
是其類也經事綜物厥體已古
使後有治吳者欲考於水利微
特單邦之書去今益遠印明之
歸張其論固有不同者而是編最
近出河渠無移徙設施無異迹

黃序

四

不特為微曲引參酌變通皆可
坐言而起行豈非切於時用之書
哉余以昨歲之旱思修水利以
弭後患飛章入告

天子俞焉然當念吳之水利其
備旱者猶少而備潦者常多震

川有言近歲多旱少水愚民以
為自今不復見水患使如漢建始
間霖雨三十日將水之何天災流
所國家代有區區之慮與歸民
同李君持是編以沿流而討源規
利而忘弊則前事可師又不待俟

黃序

五

之來哲也光緒十有五年六月
護理江蘇巡撫布政使黃彭年敘



續纂江蘇水利全集序

言水利者有蓄有泄用之則各視其地西北地高水少故古之為溝為洫為渠為陂者大抵以蓄為重東南素號澤國蘇松尤居下游水害最甚則宜以泄為重古者有

應序

一

五湖三泖以潴水有三江以瀉水利甚多也閱歲千百泥沙漸淤宋以後圍湖占江人患水患地田日增而容水之地日少出水之路日隘于是潦災屢告而吳中水利之說始興官府濬河之役亦漸繁厯稽